

QVÆSTIO MEDICA.

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM DIE IOVIS XVII. IAN.

M. IOANNE ARMANDO DE MAVVILAIN, Doctore Medico, Præside.

An febris putridis Cardiaca?

1077

FEBRIS omnium ægrotationum crudelissimè frequentissimèque vitæ hominum insidiatur, & quotiescunque per corporis intima serpit, illic omnia depopulatur incendio, vixque finit mortalium vllum ad Charontis cymbam accedere, quin ei molestat se comitem adiungat: non partem vllam ignobilem primùm adoritur, sed quò breuius animal conficiat, solum cor vitæ arcem & calor natiui lares occupat, hic propriâ sede collocatâ reliquas in partes tyrannidem exercet: hic modò spiritum inflammat, modò humores labefactat, modò solidiorem substantiam depascitur, modò miscens ægro permittit inducias, tùm ferociens eum assiduo cruciatu torquet: sic illa pars quæ sanguinem in totius corporis vsum placido pulsu antea circulabat, in illius exitium humorem igneum motu præcipiti voluit. Minimè tamen in corpus inuadit nisi aëris inclementiâ, assumptorum errore, motus tum animi tum corporis immoderatione, meatuum angustia putredinisque labe ad hunc impetum sollicitetur. Ad hoc maximè iuuat in febrem temperamenti procliuas: sic febre calidiori temperie præditi accerrimè & creberrimè iactantur: sicque animalium feruentissimus leo, cuius effigie febrem Heliopolitani designabant, eâ fermè semper flagrare solet: contra verò vix vnquam æstus caniculæ febrium acutarum feracissimæ in emerito silicemij corpore caustum accendere valet: immò vel in Æthiopum ardentibus plagis, apud quos febres læpissimè grassantur, cameli & cerui ab illis natiua frigiditate tuti manent.

OMNIS ea febris quæ liquidam substantiam vitiat, si puram synochum excipias ex putrium humorum colluie nascitur, & quo putredo deterior cordique propior existit eò citius & acrius vitæ primordia demolitur: nam si maioribus in vasis succum aliquem inficiat tam saeuo furit febris incendio vt sæpè tantum intra breue spatium continenti ardore consumat, quantum vitæ totius curriculo calor ingentis absumeret: cum verò procul à corde, vel in totius corporis ambitu, vel solis in præcordiis oboritur, aliquandiu latet in occulto, tumque per vices, dum aura nempe putrida hinc ad conuulsque transpirat, vel ab eodem expirat, febris æstus accedentes atque recedentes serius, ocyus, pro humoris genio commouentur: sic bilis, non autem excessus aquæ, vt sentit Plato, febrem tertio quoque die feruentem atque deferuentem inuehit, sic pituita quotidie prælium renouat, sicque melancholia quatanam non tantum omnium longissimam quippe quæ Vidum ultra viginti annos infestauit, sed etiam per se feruissimam accendit: tam infesta quandoque putredo in corpus inducitur, vt sanguis ab ea deprauatus, modo putridus consumptisque fibris ad concretionem ineptus euadat modò vermiculis vndique scaeat. Cor interim vt luem hanc à se depellat totis viribus enititur, vtque natiuo calori fuliginibus pene oppresso succurrat, vehementius contrahitur, primùm aduersus malum languidè, moxque viribus collectis validius infurgit, at verò dum alienum calorem in corporis extima diffundere contendit, tunc ipsum acrius impuris facibus ardet atque consumitur.

INFINITA propè miracula fallax hominum credulitas inuexit, hinc enim tot characterum, totque figurarum portentose vires confictæ sunt, hinc lapis ophites quod perinde ac serpens sit maculis aspersus illius moribus aduerfari creditus est, hinc heliotropij guttæ cruentæ gemmas hanc vi sanguinem sistendi pollere leuiculis persuaserunt, hinc ranæ figuram in beryllo signatam discordes hominum voluntates conciliare nonnulli acrothoraces iudicant: sed naniastas habere tantamque cæcipientis est, & lolio vitantis: non verius est quod plurimi de stupenda verborum virtute blatiunt, & quæ narrantur de Rege Ægyptio, de Syluano ac de pluribus aliis qui carminibus in veneris duello frigidi & vecordes euaserunt, anilia deliramenta sunt meræque fabulæ: si enim Pericli credimus is procul dubio mente captus est, qui his amuletorum præstigiis fidem adhibet: non idem tamen de plurimarum rerum vel sensu carentium amicitia & inimicitia censendum est, quippe nemini obscurum est cicutam sturnis amicam cæterum infensam existere, veratrum coturnicis alimentum reliquis animalibus medicamentum esse, saluum hominis vernaculam scorpionem enecare, & ab argento viuo densissimum aurum nequaquam verò lignum quamuis rarius intimè permeari: immò piaculum est in dubium reuocare sicut ex venenis quædam certis partibus infesta cæteris innoxia sunt vt lepus marinus qui pulmones & cantharides quæ vesicam exulcerant, item ex medicamentis esse plurima quibusdam membris tam firmo fœdere coniuncta, vt priuata dote, potius hanc quam illam particulam respiciant atque tueantur.

NON omnia medicamina manifestis viribus instructa sunt, sed eorum pleraque diuersa habent ab elementorum qualitatibus proprietates, quæ latent animos temperatos, illudunt curiosis, & salutare oculæ facultatis azylum irridentes in Pelopis errorem & iactantiam deuoluunt: sic illa quæ propter singularem suam cum corde naturæ cognitionem cardiaca vocantur cum aliquid supra sortem elementorum obtrineant, proprietate substantiæ cordi robur conferre nemo veræ doctrinæ fontibus rigatus non dixerit: non solarum tamen arcanarum virium ope id muneris exequentur, sed alia calore partiumque tenuitate iuuantur vt vinum, moschus & ambarum, alia frigiditate & siccitate, vt lapis bezaar, citrij & punicali succus, aliaque adstrictione vt malum cotoneum & corallium, ac proinde si frigida sicca deligas duplici ratione cordi putridarum febrium ardore flagranti subuenient: manifestis enim viribus putredinem in cordis luem per vasa manantem arceant, substantiæ verò familiaritate nobile hoc viscus æstu febrili maceratum firmabunt atque reficient: nullus est tam obesus naris qui non animaduertat in febribus putridis præcipuum esse salutis ægroti subsidium cordis nempe robur, quod si aliquando putridorum humorum sarcinâ grauiori pressum omnino fatiscat (non enim trahit vitæ grauiora supplicia) conclamatur est, & omnis incolumitatis expectatio præcluditur: quamobrem eò collimandum est quò vires eius retineri queant, hisque præsidijs cor sine mora munendum est, quæ vires eius afflicta erigant, languidas foueant atque recreent, et sic illud à putredinis corruptela defendant, Nec temerè te des in eorum viam qui vni fennæ & lyryo rosarum solutio tanquam panacæ suam omnem dicant operam.

CARDIACA quæ calorem adiunctum habent magno & assiduo febris æstu feruentibus exhibere imprudentis est & perperam agentis, immò nec febribus interpolatis nisi ab humorum coctione concedenda sunt, ne vt Eudemo Philosopho præpostero theriaces vfu quondam accidit, grauiorem in morbum æger delabatur: verum ea quæ ex frigiditate aut ex qualitatibus moderatione temperata sunt vt buglossum, viola, rosa, nymphæa, saphyrus, os de corde cerui eiusdem & rhinocerotis cornu, vniones, ebür, berberis, sinaragdas, sigillum lemnium, bolus armenus, caphura, santala, & similia putrida febri iactatis firmissima sunt atque tutissima præsidia: sic quæcumque febris ea sit ex putridis quæ cruciat ægrotantem, siue sit querquera, rubra, pallida, liuida, mordax, lipyria, epiala, hemitritæus, singultiens, anxia, pemphigodes, falsa, tymorentis, aut quæuis alia, si præter venæ sectionem & purgationem, cardiacis aduersus eam dimicaueris, tunc sine dubio victoria certior & facilius inclinabit. His adductus grauissimus Hippocratis interpres vel ipsis diariâ correptis alicam punici mali granis conditam offerbat, vt videlicet putredini, cuius periculum esse subodoraretur obfisteret, & eam à corde propelleret: sed potiori iure cum scuit in præcordiis aut venis grandioribus insidens cordi iam iam imminet, cardiacis vtendum esse quis tam illorum osor non fateatur?

Ergo febribus putridis Cardiaca.

DOMINI DOCTORES DISPVATVRI.

M. Carolus Patin.

M. Philippus Chartier.

M. Franciscus Bonjournier.

M. Franciscus de la Chambre.

M. Alanus Lamy.

M. Nicolaus le Lettier.

M. Michael Maris.

M. Martinus Akakia.

M. Nicolaus Capon.



Proponebat Lutetiæ ANTONIVS IOANNES MORAND Parisinus, A. R. S. H. M. DC. LVIII.